



新宋鈔校首文卷

丁巳九月廿二日校至廿五日鏤下校畢并抄子目

廿七日覆校至廿九日畢是日再校二兩卷

黃昏又校目錄并第五卷十月朔校完

兩校二首雜在官類中不宋人更漏時所遺漏酒古本竟刪去
之不知何故據此本分如新宋鈔鈔首文卷

姚少監詩集

新宋鈔校首文卷
姚少監詩集
當以羊海
方氏詩集
姚少監詩集
姚少監詩集

姚少監詩集目錄

第一卷

送別上五十首

送狄尚書鎮太原 ● 送楊尚書祭西嶽 ● 送

李侍御過夏州 ● 送李起居赴池州 ● 送劉

詹事赴壽州 ● 送裴大夫赴亳州 ● 送韋僅

行軍 ● 送劉禹錫赴蘇州二首 ● 送賈暮赴

共城 ● 送裴宰君 ● 送顧非熊歸越 ● 送雍

陶遊蜀 ● 送崔約歸揚州 ● 送李侍御赴行

秘書監杭州刺史姚合



影宋鈔本行所
題上列第四口起
下列第十三口起

營●送楊尚書赴東川●送邢郎中赴太原

●送裴中丞赴華州●送徐員外赴河中●

送殷侍御赴同州●送崔中丞赴鄭州●送

丁端公赴河陰●送鄭尚書赴興元●送田

使君赴蔡州●送無可上人還邊●送僧●

送宋慎言●送家兄赴任●送崔玄亮赴果

州●送喻校書歸毗陵●送董正字歸常州

●送蕭正字往蔡州●送田卓入華山●送

薛右司赴處州●送王建往渭南●送殷侍

御遊山南●送李植侍御●送王澹●送崔

之仁●送孫山人●送費驥●送楊少府●

送文著上人遊越●送無可上人遊越●送

洛陽張員外●送田中丞入西蕃●送王龜

●送崔郎中赴常州●送林使君赴邵州●

送別友人

第二卷

送別下四十三首

送張宗原●送王求●送朱餘慶及第歸●

送朱慶餘歸覲 ● 送任尊師歸蜀 ● 送友人

遊蜀 ● 送杜立歸蜀 ● 送韓湘赴江西從事

● 送潘傳歸宣州 ● 送僧默然 ● 送陟遐上

人 ● 送盛秀才赴舉 ● 送僧貞實歸杭州 ●

送盧二弟 ● 送任畹及第歸 ● 送杜觀 ● 送

狄兼譽歸故山 ● 送源中丞赴新羅 ● 送陳

偶 ● 送張郎中 ● 送陸侍御歸揚州 ● 送韋

校書赴越 ● 送雍陶及第歸覲 ● 送李秀才

赴舉 ● 送潘傳秀才 ● 送僧元緒 ● 送僧栖

真歸杭州 ● 送敬法師 ● 送清敬闍梨 ● 送

賈島及鍾渾 ● 送僧遊邊 ● 送澄江上人 ●

送馬戴 ● 送薛郎中赴婺州 ● 送獨孤煥赴

豐州 ● 送張齊物 ● 送王嗣之典儀城 ● 別

賈島 ● 別李餘 ● 別胡逸 ● 惜別 ● 欲別 ●

別杭州

第三卷

寄贈上四十七首

寄賈島 ● 寄王度居士 ● 寄楊茂卿校書 ●

寄杜師義 ● 寄李景先 ● 寄酬盧侍御 ● 寄

主客張郎中 ● 寄李廓少府 ● 寄紫閣隱者

● 寄楊巨源祭酒 ● 寄殷堯藩 ● 寄兩省閣

老 ● 寄靈一律師 ● 寄默然上人 ● 寄張僊

● 寄李頻 ● 寄李羣玉 ● 病中書事寄友人

● 九日寄錢可復 ● 寄劉起居 ● 秋日寄李

支使 ● 寄令狐楚相公 ● 寄東都白賓客 ●

寄裴起居 ● 寄狄拾遺 ● 寄山中舊友 ● 寄

無名頭陀 ● 寄郁上人 ● 寄孫路秀才 ● 寄

安陸友人 ● 寄馬戴 ● 寄賈司倉 ● 寄楊工

部 ● 寄陝州王司馬 ● 寄賈島 ● 寄崔之仁

山人 ● 寄嵩嶽程光範 ● 洛下夜會寄賈島

● 寄華州李中丞 ● 寄朱諫議 ● 寄杭州崔

員外 ● 寄元緒上人 ● 寄白閣默然 ● 寄丘

亢處士 ● 寄崔道士 ● 寄華州崔中丞 ● 寄

秘書竇少監

第四卷

寄贈下四十四首

子目及當卷作保

子目及當卷作病
中云：又係廿九

子目及當卷與汲
古本同

寄送盧拱秘書●寄院中諸曹長●書懷寄

友人●寄無可上人●寄暉上人●寄李干

●寄賈島浪仙●寄九華費拾遺●寄不疑

上人●寄主客劉郎中●寄周十七起居●

秋夜寄默然上人●寄王玄伯●寄山中友

人●寄內兄郭端公●寄蔣亭兼簡田使君

●山居寄友生●寄崔之仁山人●寄王客

劉員外●山中寄友人●西園夜宿寄友人

●臥疾寄李餘●寄白石師●寄賈島●寄

默然上人●寄不出院僧●寄皇甫旬●寄

舊山隱者●寄李廓●贈盧大夫將軍●贈

供奉僧次融●贈王尊師●贈常州院僧●

贈盧沙彌小師●贈張籍太祝●贈丘郎中

●贈王建司馬●贈任士曹●贈劉義●贈

僧紹明●贈張質山人●贈少室山麻襦僧

●贈王山人●贈終南山傳山人

第五卷

閑適五十首

五葉

子日及富表作中

閑居遣懷十首●武功縣中作三十首●罷武

功縣特二首●前秋日閑居二首●晚夏閑居●

閑居●街西居三首●閑居遣興

第六卷

閒適時序風月六十二首

莊居卽事●親仁里居●莊居野行●春日

閑居●獨居●早春閑居●原上新居●將

歸山●山中述懷●偶然書懷●客舍有懷

●及第後夜中書事●偶題●感時●憶山

客遊旅懷●迎春●遊春十二首●賞春

●春日卽事●春日江次●揚州春詞●寒

食二首●暮春書事●春晚雨中●卷二十一送春●

別春●夏夜●秋日有懷●秋夕遣懷●中

秋夜坐●同崔卿九月六日飲●九日憶硯

山舊居●秋晚江次●除夜二首●卷二十二晦日送

窮三首●詠雲●詠雪●郡中對雪●對月

●八月十五夜看月●賦月華臨靜夜●酬

任疇雨中見寄●和座主相公雨中作●惡

子日及當卷古漢古本同

神行雨

第七卷

題詠四十九首

●題鳳翔西郭新亭 ●題金州西園九首 ●杏

溪十首 ●陝下厲玄侍御宅五題 ●題僧院引

泉 ●題家園新池 ●詠盆池 ●買太湖石 ●天

竺寺殿前立石 ●杭州觀潮 ●題李頻新居 ●

寄題縱上人院 ●題山寺 ●題貞女祠 ●題馬

員外新居 ●題郭侍郎幽居 ●題宣義池亭 ●

題薛十二池亭 ●題崔駙馬林亭 ●題杭州

南亭 ●題鄭駙馬林亭 ●題厲玄侍御所居

●題田將軍宅 ●題崔駙馬宅 ●題河上亭

●題長安薛員外水閣 ●題梁園公主池亭

●題寄尉遲少卿郊居

第八卷

遊覽宴集五十首

過張邯鄲莊 ●過楊處士幽居 ●過李處士

山居 ●過無可僧院 ●過稠上人院 ●過不

疑上人院●過雲花寶上人院●過杜氏江
 亭●過張雲舉院宿●過欽上人院●過無
 可上人院●過城南僧院●過靈泉寺●過
 天津橋晴望●春日遊慈恩寺●遊天台上
 方●遊終南山●遊杏溪蘭若●遊謝公亭
 ●遊陽河岸●遊河橋曉望●秋夜月中登
 天壇●遊昊天玄都觀●放朝同遊曲江●
 曉望華清宮●夏日登樓晚望●霽後登樓
 ●早夏郡樓宴集●夜宴太僕田卿宅●春

日會崔少卿宅●軍城夜會●晦日燕劉錄
 事宅●宴光祿田卿宅●會將作崔監東園
 ●同會太府韓卿宅●乞酒●寄衛拾遺乞
 酒●乞新茶●鹵掖寓直春曉聞殘漏●杭
 州郡齋南亭●郡中西園●杭州官舍偶書
 ●省直書事●杭州官舍卽事●假日書事
 呈院中司徒●書縣丞舊廳●縣中秋宿●
 夏夜宿江驛●陝城卽事

第九卷

和答酬謝五十七首

和令狐留守相公 ● 和高諫議入翰苑 ● 和
 盧給事酬裴員外 ● 和裴端公早朝 ● 和李
 相餞西蜀相公 ● 和座主相公秋日卽事 ●
 和崔少監遊僧院 ● 和李紳不赴看花 ● 和
 李舍人冬至日 ● 和裴令公新城綠野堂卽
 事 ● 和題李相草堂 ● 和戶部侍郎省中曉
 歸 ● 和元八郎中秋居 ● 和酬白少傅見寄
 ● 和劉禹錫拜表懷都故人 ● 和酬殷侍御

見寄 ● 和李膳部秋夕 ● 和韓侍郎夜泛溪
 ● 和題李中丞廳 ● 和厲玄無可會宿見寄
 ● 和令狐員外直夜郎事 ● 和孟侍御早朝
 見寄 ● 和友人新居園上 ● 和裴令公遊南
 莊 ● 和李舍人言懷 ● 和李舍人對雪 ● 答
 李頻秀才 ● 答胡遇 ● 答友人招遊 ● 答竇
 知言 ● 酬田就 ● 酬李員外見寄 ● 酬令狐
 郎中見寄 ● 酬李廓望月見寄 ● 酬田卿末
 伏見寄 ● 酬薛奉常見贈之什 ● 酬盧汀諫

議●酬張郎中見寄●酬田卿六韵見寄●
 酬楊尚書喜移居●酬田卿即事見寄●卷四酬
 張籍司業見寄●謝田大夫寄茸瓊葡萄●
 謝李太尉牧杭州●杏園宴上謝座主●謝
 韜光上人●謝秦校書無可上人見訪●喜
 胡遇至●喜賈島至●喜喻鳧至●喜雍陶
 秋夜訪宿●喜賈島雨中訪宿●喜馬戴見
 過●同前●訪僧法通不遇●夜期友生不
 至●尋僧不遇

第十卷

花木鳥獸器用哀挽雜詠五十七首

和李補闕看蓮花●和王郎中召看牡丹●
 詠南池嘉蓮●題葡萄架●闕種葦●採松
 花●詠新菊●楊柳枝詞五首●郡中冬夜
 聞蛩●卷四聞新蟬寄李餘●卷四聞蟬寄賈島●題
 鶴雛●詠鶯●老馬●詠鏡●詠破屏風●
 古碑●拾得古硯●裴大夫見過●謝贈百
 齡藤杖●詠貴遊●窮邊詞二首●劔器詞

子目及當卷作聞
蟬若子目蟬下
有聲字

三首 ● 從軍樂二首 ● 敬宗皇帝挽詞三首
 ● 文宗皇帝挽詞三首 ● 莊恪太子挽詞二
 首 ● 哭費拾遺徵君 ● 哭硯山孫道士 ● 哭
 賈島二首 ● 和楊給事哭愛姬 ● 喜覽盧侍
 御詩卷 ● 喜覽裴中丞詩卷 ● 心懷霜 ● 聽
 僧雲端講經 ● 臘日獵 ● 聞魏州賊破 ● 下
 第 ● 得舍弟書 ● 病僧 ● 成名後留別從兄
 ● 佛舍見胡子有嘲 ● 歸弊居寄李太尉

姚少監詩目錄 終

影宋鈔本四行廿二字


姚少監詩集卷第一
 送別上五十首

送狄尚書鎮太原

授鉞儒生貴傾朝赴餞筵麾幢官在省禮樂將臨
 邊代馬龍相雜汾河海暗連遠戎移帳幕高鳥避
 旌旃天下屯兵處皇威破虜年防秋嫌壘近入塞
 必身先中外恩重疊科名歲接連散材無所用老
 向瑣闈眠

送楊尚書祭西嶽

影宋鈔前有于目不
 復鈔補校于各題者
 不用墨筆



于目上列五口起下
 列十三口起及上列
 題六字以下則一行
 兩題七字以上則
 下列空白

疑舉

于目有准詔三字

姚少監詩卷一 及古蜀

報功嚴祀典寵詔下明庭酒氣飄林嶺香烟入杳冥
樂清三奏備詞直百神聽衣拂雲霞濕詩通水石靈
何因逐騶騎暫得到巖局

送李侍御過夏州

酬恩不顧名走馬覺身輕迢遞河邊路蒼茫塞上城
砂寒無宿鴈虜近少閑兵飲罷揮鞭去傍人意氣生

送李起居赴池州

天子念疲民分憂輟侍臣紅旗高起焰綠野靜無

塵闕下親知別江南惠化新朝昏卽千里且願話
逡巡

送劉詹事赴壽州

慇懃莫遽起四坐悉同袍世上詩難得林中酒更高
隋隄傍楊柳楚驛在波濤別後書頻寄無辭費筆毫

送裴大夫赴亳州

杭人遮道路垂泣浙江前譙國迎舟艦行歌汴水邊
周旋君量遠交代我才偏寒日嚴旌戟晴風出

管絃一盃誠淡薄四坐願留連異政承殊澤應爲
天下先

送徐州韋僅行軍

餞幕儼征軒行軍歸大藩山程度幽谷水驛到夷
門曉日詩情遠春風酒色渾逡巡何足貴所貴盡
殘罇

送劉禹錫郎中赴蘇州

三十年來天下名銜恩東守闔閭城初經咸谷眠
山驛漸入梁園問水程霽日滿江寒浪靜春風遶

郭白蘋生虎丘野寺吳中少誰伴吟詩月裏行

又

州城全是故吳宮香徑難尋古蘚中雲水計程千
里遠軒車送別九衢空鶴聲高下聽無盡潮色朝
昏望不同太守吟詩人自理小齋閑臥白蘋風

送賈暮赴其城營田

上國羞長一作選戎裝貴所從山田留依法種兵食
及時供水氣詩書軟嵐煙筆硯濃幾時無事擾相
見得從容

子日無郎中二字及
首七言二字

子日無又字

鶴影宋鈔並作鶴

城子日成無營田三字

閑居補後土

送裴宰君

見說為官處處烟霞思不窮
夜猿啼戶外瀑水落厨
中名藥人難識仙山路
易通還應施靜化誰復與
君同

送顧非熊下第歸越

失意尋歸路親知不復過
家山去城遠日月在船
多楚塞數逢鴈浙江長
有波秋風別鄉去還聽鹿
鳴歌

送雍陶遊蜀

春色三千里愁人意未開
木梢穿棧出雨勢隔江
來荒館因花宿深山美
客迴相如何物在應只有

琴臺

勢一作氣

送崔約下第歸楊州

滿座坐詩人吟送酒離城此會亦應稀
春風下第時稱屈秋卷呈親自束歸
日晚山花當馬落天陰水鳥傍船飛
江邊道路多苔蘚塵土無由得上衣

送李廓侍御赴西川行營

不道弓箭字罷官唯醉眠
何人薦籌策走馬逐旌

旃陣變孤虛外功成語笑前從今雋州路無復有
烽烟

送楊尚書赴東川

却穀詩書將銜恩赴梓州遶身垂印綬護馬執戈
矛劔閣和銘峭巴江帶字流從來皆惜別此別復
何愁

送邢郎中赴太原

上將得良策恩威作長城如今并州北不見有胡
兵晉野雨初足汾河波亦清所從古無比意氣送

君行

送裴中丞赴華州

我夢何曾應看君渡滄川自無仙掌分非是聖心

偏去年曾夢除華州刺史故此敘述而已徑草多生藥庭花半落泉

人間有此郡况在鳳城邊

送徐員外赴河中從事

赤府從軍羨儒衣結束輕涼颯下山寺曉浪滿關
城闕坐饒詩景高眠長道情將軍不戰術計日立

功名

子目有州字

送殷堯藩侍御赴同州

吟詩擲酒船仙掌白樓前從事關中貴主人天下
賢此生無了日終歲踏離筵何計因歸去深山恣
意眠

送崔中丞赴鄭州

僕射陂前郡清高越四鄰丹霄鳳詔下太守虎符
新霧濕關城月花香驛路塵連枝相庭樹歲歲一
家春

送丁端公赴河陰

炎天木葉焦曉夕絕涼颯念子獨歸縣何人不在
朝市連風浪動帆徹海門遙飲盡樽中酒同年同
寂寥

送鄭尚書赴興元

儒有登壇貴何人得此功紅旗燒密雪白馬踏長
風斧鉞來天上詩書理漢中方知百勝略應不在
彎弓

送田使君赴蔡州

長年離別情百盞酒須傾詩外應無思人間半是

妙少監詩卷一
行路遙嘶白馬林斷出紅旌功業今應立淮西有
勁兵

送無可上人遊邊

一鉢與三衣經行遠近隨出家還養母持律復能
詩春雪離京厚晨鐘近塞遲亦知蓮府客夜坐喜
同師

送僧

人間擾擾唯閑事自見高人只有詩寂寞嵩峰雲
外寺常多夢裏過齋時

在送蔡守君後

送宋慎言

童穉便知聞如今祇有君百篇詩盡和一盞酒須
分驛路多連水州城半在雲離情同落葉向晚更
紛紛

送家兄赴任昭義

早得白眉名之官濠上城別離浮世事迢遞長年
情廣陌垂花影遙林起雨聲出關春草長過汴夏
雲生黠吏先潛去疲人相次迎宴餘和酒拜魂夢
共東行

招議
子目招義 案新唐書
地理志濠州有招義縣

開是開萬後

送崔玄亮赴果州冬夜宴韓卿宅

蘭燭照重茵飛盃復幾分主人寒不寢上客曉離
羣騎吏緣青壁旌旗度白雲劔銘生蘚色巴字疊
冰文華省思僊侶疲民愛使君泠泠唯自適郡邸
有誰聞

送喻鳧校書歸毗陵

主人庭葉黑詩藁更誰書闕下科名出鄉中賦籍
除山春煙樹衆江遠晚帆疎吾亦家吳者無因到
弊廬

送董正字武歸常州覲親

路岐知不盡離別自無窮行客心方切主人樽未
空楚檣收月下江樹在潮中人各還家去還家慶
不同

送蕭正字往蔡州賀裴相淮西平

相府旌旄重還邀上客行今朝郭門路初徹蔡州
城從馬唯一作還提酒防身不要兵從來皆作使君
去是時平

送進士田卓入華山

子日有往蔡州三字

何物隨身去六經與一琴辭家計已久入谷佳應

深一作住谷跡應深 偶坐僧同石闕書葉滿林業成須謁

帝無貯白雲心

送右司薛員外赴處州

懷中天子書腰下使君魚瀑布和雲落仙都與世

踈遠程兼水陸半歲在舟車相送難相別南風入

夏初

送王建秘書往渭南莊

白鬚芸閣吏羸馬月中行莊僻難尋路官閑易出

城看山多失節過寺故題名秋日田家作唯添集

卷成

送殷堯藩侍御遊山南

詩境西南好秋深晝夜蛩人家連水影驛路在山

峰谷靜雲生石天寒雪覆松我為公府繫不得此

相從

送李植侍御

聖代無邪觸空林獬豸歸誰知隴山鳥長繞玉樓

飛風雨依山急雲泉入郭微無同昔年別別後寄

書稀雨對山
送王澹

常省為官處
門前數樹松
尋山屐費齒
書石筆無

鋒果熟猿偷
亂花繁鳥語
重今來為客
去惜一作借

取最高峰一作寂

送崔之仁一作別

欲出還成住
前程甚謫遷
伴眠隨客醉
愁坐似僧

禪舊國歸何
處春山買欠
錢幾時無一
事長在故

人邊

送孫山人

送孫山人

山翁來帝里
不肯住多時一作山人言語塵土衣

裳重腥羶體僕隸飢
林中愁不到
城外老應遲
喧寂

一為別相逢
未有期

送費驥

兄寒第亦饑
力學少閑時
何路免為客
無門賣得

詩幾人携酒
送獨我入山
遲少小同居
止今朝始

別離

送河中楊少府宴崔駙馬宅

鳳凰樓下醉醺醺晚出東門蟬漸聞不使鄉人修治一作驛路却將家累宿上一作山雲闕時採藥隨僧去每月請錢共客分縣吏若非三載滿自知無計更尋君

送文著上人遊越

水石隨緣豈計程東吳相遇別西京夜禪月下袈裟濕曉上山巔錫杖鳴念我爲官應易老羨師依佛學無生越中多有前朝寺處處鐵鐘石磬聲

送無可上人遊越

清晨相訪立門前麻履方袍一少年嬾讀經文求作佛願攻詩句覓昇一作成一作仙芳春山影花連寺觸夜潮聲月滿船今日送行偏惜別共師文字有因緣

送洛陽張員外

餞客未歸城東來騶騎迎千山嵩岳峭百縣洛陽清朔鴈和雲度川風吹雨一作晴薛庭公事暇一作應祗獨吟行

送少府田中丞入西蕃

妙少監詩卷一
蕭關路絕久石堠亦爲塵護塞空兵帳和戎在使
臣風沙去國遠雨雪換衣頻若問涼州事涼州多
漢人

送王龜處士

送客客爲誰朱門處士稀唯修曾子行不着老萊
衣古寺隨僧飭空林共鳥歸壺中駐年藥燒得獻
庭闈

送崔郎中赴常州

貴是鴿原在紫薇榮逢知己領黃扉人間盛事今
全得江上政聲復欲歸風起滿城山果落雨餘穿
宅水禽飛昔年嘗作毗陵客石峭泉清天下稀

送林使君赴邵州

詔書飛下五雲間才子分符不等闕驛路算程多
是水州圖管地少於山江頭斑竹尋應遍洞裏丹
砂自採還清淨化人人自理終朝無事更相關

送別友人

獨向山中覓紫芝山人勾引住多時摘花浸酒春
愁盡燒竹煎茶夜臥遲泉落林梢多碎滴松生石

送田處士闕
子日有此題下注闕
字總目無卷中亦不
列

底足傍枝明朝却欲歸城市問我來時總不知

閑居

日日門多閉鄰家亦懶過頭風春飲苦眼暈夜書
多幽鳥偏棲竹凡人笑種莎近來難得酒無計奈
愁何

姚少監詩集卷第一

姚少監詩集卷第二

送別下四十三首

送張宗原

東門送客道春色如死灰一客失意行十客顏色
低住者既無家去者又非歸窮愁一成疾百藥不
可一作能治子賢我且愚命分不合齊誰開蹇躓門
日日同遊栖子行何所之切切食與衣誰能買仁
義令子無寒饑野田不生草四向生路岐士人甚
商賈終日須東西鴻鴈春北去秋風復南飛勉君

影宋鈔有一作
能三字上空白

向前路無失相見期

送王求

士有經世籌自無活身策求食道路間勞困甚徒
役我身與子同日被饑寒迫側望卿相門難入堅
如石為農昧耕耘作商迷貿易空把書卷行投人
一作買罪責六月南風多苦旱土色赤坐家心尚
焦况乃遠作客羸馬出郭門餞飲曉連夕願君似
醉腸莫謾生憂蹙

送朱慶餘及第後歸越

子目倒餘慶下首同

勸君緩上車鄉里有吾廬未得同歸去空令相見
疎山晴棲鶴起天曉落潮初此慶將誰比獻親冬
集書

送朱慶餘越州歸覲

鄉書落姓名太守拜親榮訪我波濤郡還家霧雨
城海山窗外近鏡水世間清何計隨君去鄰牆過
此生

送任尊師歸蜀覲親

白雲修道者歸去春風前玉簡通仙籍金丹駐母

歸覲子目覲親

年錦文江一色酒氣雨相連兩衆說君平死真師易
義全

送友人遊蜀

送君一壺酒相別野庭邊馬上過秋色舟中到錦
川峽猿啼夜雨蜀鳥噪晨烟煙莫便不迴首風光促
幾年

送杜立歸蜀

迢遞三千里西南是去程杜陵家已盡蜀國客重
行雪照巴江色風吹棧閣聲馬嘶山稍煖暖人語店

初明旅夢心多感孤吟氣意一作不平誰爲李白後
爲訪錦官城

送韓湘赴江西從事

年少登科客從軍君詔命新行裝有兵器祖席盡詩
人細雨湘城暮微風楚水春潯陽應足鴈夢澤豈
無塵猿叫來山頂潮痕在樹身從容多暇日佳句
寄須頻

送潘傳秀才歸宣州

李白墳三尺赤嵯峨萬古名因君還故里爲我弔先

生晴日移虹影空山出鶴聲
老郎閑未得無計此
中行

送僧默然

出家侍母前至孝自通禪
伏日江頭別秋風橋下
眠鳥聲猿更促石色樹相連
此路多如此師行亦
有緣

送陟遐

霞一作上人遊天台

萬疊赤城路終年遊客稀
朝來送師去自覺有家
非石淨山光遠雲深海色微
此詩成亦鄙為我寫

巖扉

送盛秀才赴舉

重重吳越浙江潮
刺史何門始得消
五字州人唯
有此四鄰風景合相饒
橘村籬落香潛度
竹寺虛空翠自飄
君去九衢須說我
病成疎懶懶趨朝

送僧真實歸杭州天竺寺

石橋寺裏最清涼
聞說茆菴寄上方
林外猿聲連院磬
月中潮色到禪牀
他生念我身何在此
世唯師性亦忘
九陌相逢千里別
青山重疊樹蒼蒼

送盧二弟茂才罷舉遊洛謁新相

踏碎作賦筆驅車出上京離筵俯歧路四坐半公
卿守命貧難擲憂身夢數驚今朝赴知己休詠苦
辛行

送任畹及第歸蜀中覲親

子規啼欲死君聽固一作無愁闕下聲名出鄉中

意氣遊東川行橫劔閣南斗近刀州神聖題前字千
人看不休

送杜觀罷舉東遊

秋風離九陌心事豈云安曾是求名苦當知此去
難辛勤程自遠寂寞夜多寒詩句無人識應須把
劔看

送狄兼譽下第歸故山

慈恩塔上名昨日敗垂成賃舍應無直居山豈釣
聲半年猶小隱未暇數日得閒行映竹窺猿劇尋雲探
鶴情愛花高酒戶煮藥污茶鐺莫便多時住煙霄
路在城

送源中丞赴新羅

赤墀賜對使殊方官重霜臺紫綬光玉節在船清

海怪金函開詔拜夷王雲晴漸覺山川異風便那

寧一作知道路長誰得似君將雨露海東萬里灑扶

桑

送陳侗一作赴江陵從事

荆州勝事衆皆聞幕下今朝又得君才子何須藉

中一作科第男兒終久要功勳江村竹樹多於草山

路塵埃半是雲新什定知饒景思不應一向賦從

軍

送張郎中副使赴澤路

曉陌事戎裝風流粉署郎機籌一作通變化除拜

出尋常地冷饒霜氣山高礙鴈行應無離別恨車

馬自生光

送陸暢侍御歸揚州

故園偏接近雪水洞庭邊歸去知何日相逢各長

年山川南北路風雪別離天楚色窮冬曉淮聲獨

夜船從軍丞相府談笑酒杯前

送韋瑤校書赴越

寄家臨禹穴乘傳出秦關霜落橘滿地潮來帆近
山相門賓益貴水國事多閑晨省高堂後餘歡杯
酒間

送雍陶及第歸覲

獻親冬集書比橘復何如此去關山遠相思笑語

疎路尋丹

一作青

壑斷人近白雲居幽石題名處憑

君亦紀

一作餘

送李秀才赴舉

羅剎樓頭醉送君西入京秦吳無限地山水半分

程海上煙霞濕關中日月明登科舊鄉里當為改
嘉名

送李傅秀才歸宣州

謝守青山宅山孤宅亦平池塘無復見春草野中
生常日登樓望今朝送客行慙慙拂石壁為我一
書名

送元緒上人遊商山

萬法空門裏師修歷幾生過來心已悟未到行彌
精溪寂鐘還度林昏錫獨鳴朝簪抽未得此別豈

忘情

送僧栖真歸杭州天竺寺

吏事日紛然無因到佛前
勞師相借問知我亦通
禪古寺杉松出殘陽鐘磬連
草菴盤石上歸此是因緣

送敬法師歸福州

結得隨緣伴蟬鳴方出關
新經譯舊寺故國與誰
還齋為無鐘早心因罷講
闕東南數千里何處不
逢山

送清敬閣梨歸浙西

大地無生理吳中豈是歸
自翻貝葉偈人施福田
衣夏盡灘聲出潮來日色微
郡齋師去後寂寞夜
吟稀

送賈島及鍾渾

日日攻詩亦自彊年年供應在名場
春風驛路歸何處紫閣山邊是草堂

送僧遊邊

師向邊頭去邊人業障輕
腥羶齋自潔部落講還

成傳教多離寺隨緣不計程三千世界內何處是無生

送澄江上人赴興元鄭尚書招

師經非紙上師佛在心中覺路何曾異行人自不

同水雲晴亦念一作忽雨山木舍一作夜多風聞結西方

社尚書待遠公

送馬戴下第客遊

昨來送君處亦是九衢中此日慙慙別前時寂寞同鳥啼寒食雨花落暮春風向晚離人起筵收罇

未空

送薛二十三郎中赴婺州

我住浙江西君去浙江東日日心來往不畏浙江風

送獨孤煥評事赴豐州

東門携酒送廷評結束從軍塞上行深磧路移唯馬覺斷篷風起與鷗平煙生遠戍侵雲色冰疊黃河長雪聲須鑿燕然山上石登科記裏是閑名

送張齊物主簿赴內鄉

幾年山下事仙翁名在長生錄籍中燒得藥成須
寄我曾為主簿與君同

送王嗣之典儀城

日日思朝位偷閑城外行唯求採藥者法一作不道

在官名行一作好異嫌山淺尋幽喜逕生病來文字

拙不要豈把歸城

別賈島

懶作住山人貧家日賃身書多筆漸重睡少枕長

新野客狂無過詩僊瘦始真秋風千里去誰與我

相親一作官家
月賃身

別李餘

病童隨瘦馬難算算往來程野寺僧相送河橋酒滯

行足愁無道性久客會人情何計羈窮盡同居不

出城

別胡逸

記得春闈同席試逡巡何啻十年餘今日相逢又

相送予乘五馬子單車火劍不費問合此句無

惜別

胡子目李

妙少墨言卷二
酒闌歌罷更遲留酒攜手思量凭翠樓桃李華容猶
歎月風流才器亦悲秋光陰不覺朝昏過歧路無
窮早晚休似把剪刀裁別恨兩人分得一般愁

欲別

山川重疊遠茫茫欲別先憂別恨長紅芍藥花雖
共醉影又分將鴛鴦有路高低去鴻鴈南
飛一兩行惆悵與君煙景迥不知何日到瀟湘

別杭州

醉與江濤別江濤惜我遊他年婚嫁了終到此江

頭

姚少監詩集卷第二 終

姚少監詩集卷三

寄贈四十七首

寄賈島

漫

一作

向城中住兒童不識錢甕頭寒絕酒竈額

曉

一作

無煙狂發吟如哭愁來坐似禪新詩有幾

首旋被世

一作

人傳

寄王度居士

居絕日處

顛顛王居士顛狂不稱時天公與貧病時輩復輕

欺茅屋隨年借

一作

盤餐逐日移棄嫌官似夢珍

重酒如師無竹栽蘆看思山疊石為靜牕留客話
古寺覓僧基瘦馬寒來死羸童餓得癡唯應尋阮
籍心事遠相知

寄楊茂卿校書

去年別君時同宿黎陽城黃河凍欲合船入冰罅
行君為使滑州我來西入京丈夫不泣別旁人歎
無情到京就省試落籍先有名慙辱鄉薦書忽欲
自受刑還家豈無路羞為路人輕決心住城中百
敗望一成腐草眾所棄猶能化為螢豈我愚暗身
終久不發明所悲道路長親愛難合并還如舟與
車奔走各異程耳目甚短狹背面若聾盲安得學
白日遠見君儀形

寄杜師義

出處難相見同城似異鄉點兵尋戶籍燒藥試仙
方事校千般別心還一種忙黃金如化得相寄
分亦何妨

寄陸渾縣尉李景先

微俸還同請唯君獨自閑地偏無驛路藥賤管仙

山月色生松裏泉聲在石間吟詩復飲酒何事更
相關天

寄酬盧侍御

詩新得意恣狂疎揮手終朝力有餘今到詩家渾
手戰欲題名字倩人書

寄主客張郎中

年長方慕道金丹事參差故園歸未得秋風思難
持蹇拙公府棄朴靜高人知以我齊杖屨昏旭詎
相離吟詩紅葉寺對酒黃菊籬所賞未及畢後遊

良有期粲粲華省步屑屑旅客姿未同山中去固
當殊路歧

寄鄆縣尉李廓少府

歲滿休為吏吟詩著白衣愛山闕臥久在世此心
稀聽鶴向風立捕魚乘月歸比君才不及謬得侍
彤闈

寄紫閣隱者

自聞樵客說無計得相尋幾世傳高臥全家在野
林養情書覽苦一作養生書最苦採藥路多一作深願得

為鄰異里隣誰能說此心

寄國子楊巨源祭酒

日日新詩出城中寫不禁清高疑一作宜對竹闌雅

勝聞琴門戶饒秋景兒童解冷吟雲山生合今一作余作

主還借外人尋

寄永樂長官殷堯藩

故人為吏隱高臥簿書間遠院唯栽藥逢僧只說

山此宵歡不接窮歲信空還何計相尋去嚴風雪

滿關開

冬夜書事寄兩省閣老

天寒漸覺鴈聲疎新月微微玉漏初海嶠只宜今

日去故鄉已過十年餘髮稀豈易勝玄冕眼暗應

難寫諫書閣下羣公盡高思誰能携酒訪貧居

寄靈二律師

梵書鈔律千餘紙淨院焚香獨受持童子病來煙

火絕清泉漱口過齋時

郡中書事寄默然上人

郡中饒野興過客亦淹留看月江樓曉尋山石徑

送子目寄總目同

秋意歸何處老誰免此生愁長愛東林子安禪百
事休

寄張僎

幽處尋書坐朝朝閉竹扉山僧封茗寄野客乞詩
歸秋卷多唯好時名屈更肥明年取前字杯酒賽
春輝

寄李頻

閉門常不出惟覺長庭莎朋友來看少詩書臥讀
多命隨才共薄愁與醉相和珍重君名字新登甲

乙科

寄李羣玉

九衢名與利無計擾閑人道遠期輕世才高貴重
身石脂稀勝乳玉粉細於塵骨換肌膚膩心靈一作
虛一作氣色真嵩山高到日洛水煖如春居住應安隱

一作穩黃金幾竈新

病中書事寄友人

終日自纏繞此身無適緣萬愁生雨夜百病湊衰
年多睡憎明屋慵行待暖天瘡頭梳有虱風耳亂

僕子日侯

送王玄伯補後十八
卷四卅九

無蟬換白方多錯迴金法不全家貧何所怨將在
老僧邊

九日寄錢可復

數盃黃菊酒千里白雲天一作仙上國各方振戎州

病未痊一作綺陌人消靜愁惟憶醉閑走一作不

勝眠惆悵一作東門別相逢知更幾年

春日早朝寄劉起居

九衢寒霧斂雙闕曙光分綵仗迎春日香煙接瑞

雲珮聲清漏聞天語侍臣聞莫笑馮唐老還來謁

聖君

秋日寄李支使

秋思朝來起侵人暑稍微曉眠離北戶午飯尚生

衣山靜雲初白枝高果漸稀聞君家海上莫與燕

同歸

寄汴州令狐楚相公

汴水從今不復渾秋風輦鼓動城根梁園臺館關

東少相府旌旗天下尊詩好四方誰敢和政成三

郡自無冤幾時詔下歸丹闕還領千官入閣門

寄東都白賓客 居易

闕下高眠過十旬南宮印綬乞離身詩中得意應
千首海內嫌官只一人賓客分司真是隱山泉遶
宅豈辭貧竹齋晚起多無事唯到龍門寺裏頻

寄裴起居

千官曉立鑪煙裏立近丹墀是起居彩筆專書皇
帝語書成幾卷太平書

寄狄拾遺時魏州從事

少在兵馬間長還繫戎職雞飛不得遠豈要生羽

翼三年城中遊與君最相識應知我中腸不苟念
衣食主人樹勲名欲滅天下賊愚雖乏智謀願陳
一人力人生須氣健饑凍縛不得睡當一席寬覺
乃千里窄古人不懼死所懼死無益至交不可合
一合難離坼君嘗相勸勉苦語毒胸臆百年心知
聞誰限河南北

金州書事寄山中舊友

安康雖好郡刺史是憨翁買酒終朝飲吟詩一室
空自知為政拙衆亦覺心公親事星河在憂人骨

肉同簿書嵐色裏鼓角水聲中并邑神州接帆檣
海路通野亭晴帶霧竹寺夏多風漑稻長洲白燒
林遠岫紅舊山期已失一作度芳草思何窮林下無莫
相笑男兒五馬雄

寄紫閣無名頭陀自新羅來

峭行得如如誰分聖與愚不眠知夢妄無號免人
呼山海禪一作皆遍華夷佛豈殊何因接師話清
淨在斯須

寄郁上人

此生修道淺愁見未來身誰為傳真諦唯應是上
人自悲年已長漸覺事難親不向禪門去他門無
了因

寄孫路秀才

幽居鄰里少江際復山阿潮去一作下蟬聲出天晴
鶴語多老人能步蹇才子奈貧何曾見春官語年
來虛甲科

寄安陸友人

別路在春色故人雲夢中鳥啼三月雨蝶舞百花

子目無新羅二字陀
總目陀

風煙東遠山碧霞歛落照紅想君登此興迴首念
飄蓬

寄馬戴

天府鹿鳴客幽山秋未歸我知方甚愛衆說以爲
非隔屋聞泉細和雲見鶴微新詩此處得清峭比
應稀

寄賈島時任普州司倉

長沙事可悲普掾罪誰知千載人空盡一作老一家
冤不移吟寒應齒落才峭自名垂地遠山重疊難

傳相憶詞

寄楊工部聞毗陵舍弟自罨溪入茶山

採茶溪路好花影半浮沉畫舸僧同上坐春山客共
尋芳新生石際幽嫩在山陰色是春光染香驚日
氣侵試嘗應酒醒封進定恩深芳貽千里外怡怡
太府吟

寄陝州王司馬

家寄秦城非本心偶然頭上有朝簪自當臺直無
因醉一別詩宗更懶吟世事每將愁見擾年光唯

此首在後
工部子目
作侍郎

此首在前

與老相侵欲知居處堪長久須向山中學煮金

寄賈島

寂寞荒原下南山祗隔籬家貧唯我並詩好復誰
知草色無窮處蟲聲少盡時朝昏鼓不到閑臥益
相宜

寄崔之仁山人

百門坡上住石屋一作室兩三間日月難教老妻兒
乞與閑仙經一作來客問一作仙方藥一作酒債一作價煮
金還何計能相訪一作引終身得在山

寄嵩嶽程光範

相別何容易相逢便歲年客來嫌路遠誰得到君
邊岳色鳥啼裏鐘聲竹影前只應訪支遁時得話
詩篇

洛下夜會寄賈島

洛下攻詩客相逢祗是吟夜觴歡稍靜寒屋坐多
深鳥府偶為吏滄江長在心懷一作憶君難就寢燭
滅復星沉

寄華州李中丞

嶽子目岳

附

毛女峰前郡煙霞氣轉清庭分靈掌影窻度瀑泉
聲蘚逕人稀到松齋藥自生常食亦芝朮闕客是
公卿看水逢仙鶴登樓見帝城養生非酒病難隱
是詩名省署嘗連步江臯欲獨耕偶題無六義聊
以達微誠

卷四四
子目無時病中
三字

病中辱朱諫議惠甘菊藥苗因以詩贈

蕭蕭一畝宮種菊十餘叢採摘和芳露封題寄病
翁熟宜茶鼎裏飡稱石甌中香潔將何比從來味
不同

卷四五

舟行書事寄杭州崔員外

張頤任酒澆開眼信花燒舊國歸何滯新知別又
遙夜行篙觸石晚泊纜依橋若未重相見無門解
寂寥

卷四六

寄元緒上人

石牕紫蘚牆此世此清涼研露題詩潔消冰煮茗
香閑雲春影薄孤磬夜聲長何計休爲吏從師老
草堂

卷四七

寄白閣默然

白閣峰頭雪城中望亦寒高僧多默坐清夜到明
看世上無諸苦林間只一餐嘗聞南北教所得比
師難

夏日書事寄丘亢處士

暑天難可度豈復更持觴樹裏鳴蟬咽宮中午漏
長病夫心益躁靜者室應涼幾欲相尋去紅塵滿
路傍

秋中寄崔道士

貧居雀喧噪况乃靜巷陌夜眠睡不成空庭聞露

滴傍有一盃酒歡然如對客月光久逾明照得筆
墨白平生志舒豁難可似茲夕四肢得自便雖勞
不為役故人山中住善治活身策五穀口不嘗比
僧更闕寂我今暫得安自謂脫幽戚君身長逍遙
日月爭老得

寄華州崔中丞

蓮華峰下郡僊洞亦難勝閭里蒼苔水虛空瀑布
冰酒香和藥熟山峭過雲登清淨黎人泰唯憂急
詔徵

姚少監詩集卷第三
秋日書事寄秘書竇少監

秋氣日騷騷
星星雙鬢毛
涼天吟自遠
清夜夢還高
林下期同去
人間共是勞
頭巾何所直
且漉甕頭糟

送王立伯

白鹿山中住
年來到帝城
買書求古本
尋客避時名
事少閑愁盡
吟多冷病生
性狂非酒使
詩險足人驚
迥路邀僧伴
遙裝帶雪行
棋門二千里
誰見管風情

姚少監詩集卷第三 終

共九卷

前空白三行

姚少監詩集卷第四

寄贈下四十四首

寄送盧拱秘書遊魏州 元和

太行山下路
荆棘昨來平
一自開元後
今逢上客行
地形吞北虜
人事接東京
掃灑氛埃靜
遊從氣味生
薊門春不艷
淇水煖還清
看野風情遠
尋花酒病成
官闕身自在
詩逸語縱橫
一作詩好
車馬迴應晚
煙光滿去程

語分明

秋晚夜坐寄院中諸曹長

姚少監詩集卷四

及古

一

腰間垂印囊白髮未歸鄉還往應相責朝昏亦自
傷窮愁山影峭獨夜漏聲長寂寞難成寐寒燈侵
曉光

書懷寄友人

精心奉北宗微宦在南宮舉世勞爲適開門事不
窮四鄰寒稍靜九陌夜方空知老何山是思歸愚
谷中

寄無可上人

十二門中寺詩僧寺獨幽多年松色別後夜磬聲

秋見世慮皆盡來生事更修終須執瓶鉢一作相
逐入牛頭

寄暉上人

日出月復沒悠悠昏與明脩持經幾劫清淨到今
生林下知無相人間苦是情終期逐一作作師去一作作
不擬老塵纓

寄李干

尋常自怪詩無味雖被人吟不喜聞見說與君同
一格數篇到火却休焚

寄賈島浪仙

悄悄掩門扉窮窘自維繫世途已昧履生計復乖
緝疎我非常性端峭爾孤立往還縱云久貧寒豈
自習所居率荒野寧似在京邑院落夕彌空蟲聲
鴈相及衣巾半僧施蔬藥常自拾凜凜寢席單翳
翳竈煙濕顏籬里人度敗壁鄰燈入曉思已暫舒
暮愁還更集風淒林葉萎苔糝行徑澀海嶠誓同
歸椽粟充朝給

寄九華費拾遺

逍遙曾繳外高鳥與潛魚闕下無朝籍林間有詔
書夜眠青土洞曉飯白雲蔬四海人空老九華君
獨居此心誰復識日與世情疎

寄不疑上人

是法修行遍方棲不二門隨緣嫌寺着見性覺經
繁所嘆身將老始聞師一言塵沙千萬劫劫盡佛
長存

寄主客劉郎中

漢朝共許賈生賢遷謫還應是宿緣仰德多時方

會面拜兄何暇更論年
嵩山晴色來城裏
洛水寒光出岸邊
清景早朝吟麗思
題詩應費益州牋

寄周十七起居

藜藜九陌鼓聲齊
百辟朝天馬亂嘶
月照濃霜寒更遠
風吹紅燭舉還低
官清立位在金鑪北
仗下歸眠玉殿西
莫笑老人多獨出
晴山荒景覓詩題

秋夜寄默然上人

霜月靜幽居
閑吟夢覺初
秋深夜迢遞
年長意蕭疎
海上歸難遂
人間事盡虛
賴師方便語
漸得識

真如

寄王玄伯

夜歸曉出滿衣塵
轉覺才名帶累身
莫覓舊來時終日醉
世間盃酒屬閑人一作

寄山中友人

昨秋夜今復春
役役是非身
海上無歸路
城中作老人
流年何處在
白日每朝新
聞有長生術
將求未有因

寄陝府內兄郭同端公

子目無寄年二字總目同

吐

寒鈍無大計酷嗜進士名爲文性不高三年住西
京相府執文柄念其心專精薄藝不退辱特列爲
門生事出非自意喜常少於驚春榜四散飛數日
徧八紘眼始見花發耳得聞鳥鳴免同去年春兀
兀聾與盲家寄河朔間道路出陝城睽違逾十年
一會豁素誠同游山水窮狂飲飛大觥起坐不相
離有若親弟兄中外無親疎所算在其情久客貴
優饒一醉舊疾平家遠歸思切風雨甚亦行到茲
戀仁賢淹滯一月程新詩忽見示氣逸言縱橫纏

縣意千里騷雅文發明永晝吟不休咽喉乾無聲
羈貧重金玉今日金玉輕

寄蔡州蔣亭兼簡田使君

幾歲亂軍裏蔣亭名不銷無人知舊徑有藥長新
苗樹宿山禽靜池通野水遙何因同此醉永望思
蕭條

山居寄友生

獨在山阿裏朝朝遂性情曉泉和雨落秋草上牆
生因客始沽酒借書方到城詩情聊自遣不是趁

聲名

寄崔之仁山人

不得之仁消息久秋來體色復何如苦將一作痛持盃

酒判身病狂作文章信手書官職卑微從客笑性

靈閑野一作雅向錢疎幾時身一作家計渾無事揀取

深山一處居

寄主客劉員外禹錫

蟬稀蟲唧唧露重思悠悠靜者多便夜豪家不見

秋同歸方欲就一作遂微恙幾時瘳今日滄江上何

子日禹錫二字在劉字下作大書

人理釣舟

山中寄友人

路歧何渺邈在容易蹉跎却是去家遠因循住日

多幾看春草綠又見塞鴻過未有進身處忍教拋

薜蘿

寄友人西園夜宿

日暮掩重扉抽簪復解衣漏聲林下靜螢色月中

微秋霽露華結夜深人語稀慙慙故山路誰與我

同歸

蘭總日園

寄李餘臥疾

窮節彌慄我詎自云樂伊人嬰疾恙所對唯苦
藥寂寞行稍稀清羸食自薄幽齋外浮事夢寐亦
簡略雪戶掩復明風簾卷還落方持數盃酒勉子
同斟酌

寄白石師

師無名常居白石谷中因為號

白石師何在師禪白石中無情雲可比不食鳥難
同屨下蒼苔雪龕前瀑布風相尋未有計只是禮
虛空

寄賈島

疎拙祗如此此身誰與同高情向酒上無事在山
中漸老病難理久貧吟益空賴君時訪宿不避北
齋風

寄默然上人

晨飡夜復眠日與月相連天下誰無病人間樂是
禪幾生通佛性一室但香煙結得無為社還應有
宿緣

寄不出院僧

不行門外地齋戒得清真長食施來飯深居鑠定
身朝昏常傍佛起坐省逢人非獨心常淨衣無一
點塵

萬年縣中雨夜會宿寄皇甫旬

縣齋還寂寞夕雨洗蒼苔清氣燈微潤寒聲竹共

來蟲移上階近客

一作人

起到門迴想得吟詩處唯

應一作對酒杯

寄舊山隱者

別君須臾間曆日兩度新念彼白日長復值人事

并未改當時居心事如野雲朝朝恣行坐百事都

不聞奈何道未盡出山最艱辛奔走衢路間四枝

俗作肢

不屬身名在進士場筆毫爭等倫我性本朴

直詞理

一作野

安得文縱狀自稱心又不合衆人以

此名字低不如風中塵昨逢賣藥客云是居山鄰

說君憶我心顛顛其形神昔是同枝鳥今作萬里

分萬里亦未進喧靜終難羣

所居秋夕寄李廓

羈滯多共趣屢屢同空眠稍暇更訪詣寧唯候招

延媿君備蔬藥識我性所便罷吏童僕去灑掃或
自專古巷人易息疎迥自江邊幸當中秋夕復此
無雲天月華更漏清露葉光彩鮮四鄰亦悄悄中
懷益纏綿茲境罕能致居閑得彌偏數盃罷復飲
共想山中年

贈盧大夫將軍

將軍身在城詎得虜塵清釀酒邀閑客吟詩直禁
營蒼鷹春不下戰馬夜空鳴碣石應無業皇州獨
有名上山嫌髀重拔劔歎衣生公議今如此登壇

到即行

贈供奉僧次融

會解如來意僧家獨有君開經對天子騎馬過聲
聞本寺遠於日新詩高似雲熱時吟一句涼冷勝
秋分

贈王尊師

先生自說瀛洲路多在青松白石間海岸夜中常
見日仙宮深處却無山犬隨鶴去遊諸洞龍作人
來問大還今日偶聞塵外事朝簪未擲復何顏

贈常州院僧

一住毗陵寺師應祇信緣院貧人施食窻靜鳥窺
禪古磬聲難盡秋燈色更鮮仍聞開講日湖上少
魚船

贈盧沙彌小師

怕見世間事削頭披佛衣年小未受戒會解如老
師天與出家腸一食齋不饑麻履踏雪路與馬不
肯騎嫌我身腥羶似我見戎夷彼此見會異對面
成別離我師文宣王立教垂詩書但全仁義心自

狀便慈悲兩教大體同無處辨一作是非莫以衣

服別到頭不相知

贈張籍太祝

給事中與侍御史班同行
在東給事立在臺官前故

妙絕江南曲淒涼愍女詩古風無手敵新語是人

知飛動應

終一作

由格功夫過却奇麟臺

儒書一作添集

卷樂府換歌詞李白應先拜

許一作

劉禛

郎一作

必自

疑貧須君子救病合國家醫野客開山借鄰僧與

米炊甘貧辭聘幣依選受官資多見愁連曉稀聞

債盡時聖朝文物盛太祝獨低眉

此卷和表結
瑞公早朝詩注
影宋鈔誤于此

贈丘郎中

繞籬栽杏種黃精
曉侍鑪煙暮出城
萬事將身求總易
學君難得是長生

贈王建司馬

久向空門隱交親
亦不知文高輕古意
官冷似前資老覺僧齋健
貧還酒債遲
仙方小字寫行坐把相隨

贈任士曹

憲皇十一祀共得春
闈書道直淹曹掾
命通侍玉

除浮生年月促九陌笑言踈
何計回歸去滄江有弊廬

贈劉义

自君離海上垂釣更何人
獨宿空堂雨閑行九陌塵
避時曾變一作改姓救難似嫌身
何處相期宿咸陽酒市春

贈僧紹明

西方清淨路此路出何門
見說師知處從來佛不言
今生多病惱自曉至黃昏
唯寐方無事那堪夢

亦喧

贈張質山人

先生居處僻荆棘與牆齊酒好寧論價詩狂不著

題燒成度世藥踏盡上山梯懶聽閑人語一作疑道人間

語爭如谷鳥啼

贈少室山麻襦僧

祇辯麻爲衲此中經幾春菴前多猛獸徑小絕行

人泉近濟一作瓶履山深少垢塵想師正法指喻

我獨迷津

贈王山人

賢哲論猶誕吾宗次定今詩吟天地廣覺印果因

深教演歸恭敬名標中外欽既能施六度了悟達

雙林

贈終南山傳山人

七十未成事終南蒼髯翁老來詩興苦貧去酒腸

空蟠螫身仍病鵬搏力未通已無燒藥本唯有著

書功白馬時何晚老君度青龍歲欲終星紀躔生

涯枯葉下家口亂雲中潭靜魚驚水天晴鶴唳風

悲君還姓傅獨不夢高宗精魚鱸水天相濟

青女白霓知何處

空澗蒼苔石澗無



湖海南山對山人

雙林

姚少監詩集卷第四 終

姚少監詩集卷第五

閑適上五十首

閑居遣懷一十首

身外無徭役僞開門百事閑倚松聽唳鶴策杖望秋

山萍任連池綠苔從匝地斑料無車馬客何必掃

柴關開

其二

閑臥銷長日親朋笑我疎詩篇隨分有人事度年

無情性僻難改愁懷酒為除誰能思此計空備滿

子目無其々等字

牀書

其三

白日逍遙過看山復遶池展書尋古事翻卷改新
詩賒酒風前酌留僧竹裏碁同人笑相問羨我足
閑時

其四

好景時牽目茅齋興有餘遠山經雨後庭樹得秋
初道侶憐栽藥高人笑養魚優游隨本性甘被棄
慵疎

其五

未日厨烟絕何曾暫廢吟閑詩隨思緝小酒恣情
斟看月嫌松密垂綸愛水深世間多少事無事可
關心

其六

一生能幾日愁恨也無端遇酒酩酊飲逢花爛熳
看青雲非失路白髮未相干以此多携解將心但
自寬

其七

此處詩卷五

萬事徒紛擾曉難關枕上身朗吟銷白日沉醉度青
春演步憐山近閑眠厭客頻市朝曾不到長免滿
衣塵

其八

野性多疎惰墮幽棲更稱情獨行看影笑閑坐弄琴
聲懶拜腰肢硬慵趨禮樂生業文隨日遣不是為
求名

其九

生計甘寥落高名愧自由慣无無身外事不信世間

愁好酒盈盃酌閑詩任筆酬涼風從入戶雲水更
宜秋

其十

拙直難和洽治從人笑掩關不能行戶外寧解走塵
間被酒長酣思無愁可上顏何言歸去事着處是

青山

武功縣中作三十首

縣去帝

一作

城遠為官與隱齊馬隨山鹿放雞雜

野禽棲遠

一作

舍惟藤架侵皆是藥畦更師嵇叔

夜不擬作書一作詩題

其二

方拙天賦性為官是事疎惟尋向山路一作道不寄

入城書因病多一作方收藥緣食學釣魚養身成好一作事

事此外更一作盡空虛

其三

微官如馬足終日是在泥塵到處貧隨我終年老趁

人簿書銷眼力盃酒耗心神早作歸休計深居養

一作過此身

其四

簿書多不會薄俸亦難銷醉臥慵開眼閑行懶繫

腰移花兼蝶至買石得雲饒且自心中樂從他笑

寂寥

其五

曉鐘驚睡覺事一作是事便相關一作開小市柴薪貴貧家

砧杵閑讀書多旋忘賒酒數空還長羨劉伶一作靈

輩一作北高眠出世間

其六

...

性疎常愛臥親故笑悠悠縱出多攜枕一作酒因衙
始裏頭上山方覺老過寺暫忘愁三考千餘日低
腰不擬休

其七

客至皆相笑詩書滿臥牀愛閒求病假因醉一作酒
弃官方鬢髮寒唯短衣衫瘦漸長自嫌多檢束不
似舊來狂

其八

一日看除日終年損道心山宜衝雪上詩好一作人

帶風吟野客嫌知印家人笑買琴只應隨分一作日

過已一作定是錯彌深

其九

鄰里皆相愛門開數見過秋涼送客遠夜靜詠詩
多就架題書目尋欄記藥窠到官無別事種得滿
庭莎

其十

窮達天應與人間事莫論微官從一作長似客遠縣
豈勝村竟日多無食連宵不閉門齋心調筆硯唯

寫五千言

其十一

縣僻仍牢

一作寥

落遊人到便迴路當邊地去村入

郭門來酒戶愁偏長詩情病不開可曾衙小吏恐

謂踏青苔

其十二

自下青山路三年著綠衣官卑食肉僭才短事人

非野

一作閑

客教長醉高僧勸却歸不知何計是免

與本心違

事一作字

其十三

日出方能起庭前看種莎吏來山鳥散酒熟野人

過歧路荒城少煙霞遠縣多同官數相引下馬上

西坡

其十四

作吏荒城裏窮愁欲不勝病多唯識藥

鬼一作

年老

漸親僧夢覺空堂月詩成滿硯冰故人多得路寂

寞不相稱

其十五

誰念東山客，栖栖守印牀。何年得事盡，終日逐人

忙。醉臥誰知叫，閑書不着正一作行人間長一作檢

束與此豈相當。堂民信氣誠，水為人參驗。

朝朝眉不展，多病怕逢迎。引水遠通澗，壘山高過

城。秋燈照樹色，寒雨落池聲。好是吟詩夜，披衣坐

到明。

其十七

簿籍誰能問，風寒趁早一作眠。每旬常一作乞一作

假一作隔月探支錢一作請還往嫌詩僻，親情怪酒

顛。謀身須上計，終久是歸田。

其十八

閉門風雨裏，落葉與堦齊。野客嫌盃小，山翁喜枕

低。聽琴知道性，尋藥得詩題。誰更能騎馬，闌行祇

一作杖藜

其十九

腥羶都不食，稍稍覺神清。夜犬因一作風吹鄰雞

帶一作雨鳴守官常臥病，學道別稱名。小有洞中

七

路誰能引我行

宦名渾不計酒熟且開封晴月銷燈一作色寒天

挫筆鋒驚禽時並起閑客數一作相逢舊國蕭條

思青山隔幾重

其二十一

假日多無事誰知我獨忙移山入縣宅種竹上城

牆驚蝶遺花蕊遊蜂帶蜜香唯愁明早出端坐吏

人傍

其二十二

門外青山路因循自不歸養生宜縣僻說一作品

喜官微淨愛山僧飯閑披野客衣誰憐幽谷鳥不

解入城飛

其二十三

一官無限日愁悶欲何如掃舍驚巢燕尋方落壁

魚從僧乞淨水憑客報閑書白髮誰能鑷年來四

十餘

其二十四

其二十四

其二十四

朝朝門不閉長似在山時賓旅一作客抽書讀兒童

斫竹騎久貧還易老多病懶能醫道友應相怪休

官日已遲

其二十五

戚戚常無思循資格上官閑人得事晚常骨覓一作

學仙難愁一作醉臥疑身病貧居覺道一作抱寬新詩

久不寫自算一作算少人看

其二十六

漫作容身計今知一作朝拙有餘青衫一作袍迎驛使

白髮憶山居道友憐蔬一作蔬食吏人嫌草書須為一作知

長久事歸去自耕鋤一作憐作喜

其二十七

主印三年坐山家一作居百事休焚香開勅庫踏月

上城樓飲酒多成一作如病吟詩易一作長長一作自愁一作似

慙慙問漁者暫借手中鈎

其二十八

長憶青山下深居遂性情壘堦溪石淨燒竹竈煙

輕點筆圖雲勢彈琴學鳥聲一作鳴今朝知縣印夢

裏百憂生

其二十九

自知狂僻性吏事固相疎祇是看山立无無因出縣

居印朱沾墨硯戶籍雜經書月俸尋常請無妨乏

斗儲一作無嫌

其三十

作吏無一作能能一作事事一作思思一作為為文舊致一作著著功詩

標八病外心落百憂中拜別登朝客歸依鍊藥翁

不知還往內誰與此心同

罷武功縣將入城二首

乍拋衫笏覺身輕依舊還稱學道名欲泥山僧分

一作求屋住羞從野老借牛耕妻兒盡怕為逋客親

故相邀遣到城無奈同官珍珍重意幾迴臨路却休

行

其二

青衫脫下便狂歌種薤一作李栽莎一作桃斷古坡野

客相逢添酒病春山暫上著著詩魔亦知官罷貧還

甚且喜閑來睡得多欲與九衢親故別明朝拄杖

始經過

秋日閑居二首

九陌宅重重何門憐此翁荒庭唯菊茂幽徑與山
通落葉帶衣上閑雲來酒中此心誰得見林下鹿
應同

其二

先憶花時節家山聽更歸愛詩看古集憶酒典寒
衣睡少身還健愁多食不肥自憐疎懶性無事出
門稀

閑居晚夏

閑居無事擾舊病亦多痊選字詩中老看山屋外
眠片霞侵落日繁葉咽鳴蟬對此心還樂誰知乏
酒錢

閑居

不自識疎鄙終年住在城過門無馬跡滿宅是蟬
聲帶病吟雖苦休官夢已清何當學禪觀依止古
先生

街西居三首

受得山野性住城多事違青山在宅南迴首東西
稀淺淺一井泉數家同汲之獨我惡水濁鑿井庭
之陞自鑿還自飲亦為衆所非吁嗟世間事潔身
誠難為

其二

日出窮巷喜溫朕勝重衣重衣豈不煖暖所煖暖人不
齊兀兀復行行不離階與堦

其三

丈夫非馬蹄安得知路歧窮賤殮茹薄興與養性

宜乃知長生術豪貴難得之

閑居遣興

終年城裏住門戶似山林客怪身作名晚妻身嫌酒病
深寫方多識藥失譜廢彈琴文字非經濟空虛用
破心

此姚少監詩集五卷殘宋本亦出郡城陸西屏家向為翰林國史院官書余所得殘宋本二劉文集板刻正與此同西屏家物也此後出周香

嚴歸之因借而命門僕影抄俾與二劉並藏焉
甲子小春月 萬壽日裝成并記 黃丕烈

咸豐丁巳季秋以錢唐何氏夢華館影寫黃氏讀未見書齋本初校小畫日再校丹鉛精舍記

姚少監詩集卷第五 終

姚少監詩集卷第六

閒適時序風月六十二首

莊居卽事

休看小字大書名向日持經眼却明時過無心求

富貴身閒不夢見公卿因尋岳寺葦辛斷自到王

城禮數 林新睡覺鹵風半夜鶴來聲

親仁里居

三年賃舍親仁里寂寞何曾似在城飲酒自緣防

冷病尋人多是為閒行軒車無路通門巷親友因

詩道姓名自別青山歸未得羨君長聽石泉聲

三平賈莊居野行

客行野田間比屋皆閉戶借問屋中人盡去作商
賈官家不稅商稅農服作苦居人盡東西道路侵
隴畝採玉上山顛探珠入水府邊兵索衣食此物
同泥土古來一人耕三人食猶饑如今千萬家無
一把鋤犁我倉常空虛我田生蒺藜上天不雨粟
何由活烝黎

春日閒居

空瓢
居止日蕭條庭前唯藥苗身閒眠自久眼老視還
遙簷燕酬鶯語鄰花雜絮飄客來無酒飲搔首擲

獨居

深閉柴門長一作多不出功夫自課少閒時翻音免
問他人字覆局一作勢何勞對手棋生計如雲無定
所窮愁似影巧一作每相隨到頭歸向一作去青山是
塵路茫茫欲告誰

早春閒居

寂寞日何為貧一作閑居春色遲驚風起庭雪寒雨

長簷漸強飲區一作樽中事一作酒嘲山世外詩此生

仍且在難與老相離

原上新居

秋來梨果熟行哭小兒飢鄰富雞長往莊一作家貧

客漸稀借牛耕地晚賣樹納錢遲牆下當官道依

前夾竹籬

將歸山

野人慣去山中住自到城來悶不勝宮樹蟬聲多

却樂侯門月色少於燈饑來唯擬重餐藥歸去還

應只別僧聞道舊溪茆屋畔春風新上數枝藤

山中述懷

為客久未歸寒山獨掩扉曉來山鳥散雨過杏花

稀天遠雲空積溪淡水自微此情對春色盡總欲

忘機

偶狀書懷

十年通籍入金門自媿名微枉搢紳鍊得丹砂疑

不食從茲白髮日一作自相親家山迢遞歸無路盃

酒稀疎病到一作身漢有馮唐唐有我老為郎吏

更何人

客舍有懷

旅人無事喜終日一作思悠悠逢酒嫌盃淺尋書

怕字稠貧來許錢聖夢覺見身愁寂寞中林下飢

鷹望到秋

及第後夜中書事

夜睡常驚起春光屬野夫新銜添一字舊友遜前

途喜過還疑夢狂來不似儒愛花持燭看憶酒犯

街沾天上名應定人間盛更無報恩丞相閣何啻

殺微軀

偶題

年年九陌看春還舊隱空勞夢寐間遲日逍遙芸

草長聖朝清淨諫臣一作閑偶逢遊客同傾酒自

有前騶恥見山道侶書來相責誚朝朝欲報作一作

又何顏

感時

憶昔未出身索寞無精神逢人話天命自賤如埃

塵君今纔出身，
颯爽鞍馬春逢人。
話天命自重，如
千鈞信涉名利道。
舉動皆喪真君。
今自世情何況
天下人。

憶山

閑處無人到，
乖疎稱野情。
日高搔首起，
林下散衣行。
泉引窻前過，
雲看石罅生。
別來愁欲老，
虛負出山名。

客遊旅懷

客行無定止，
終日路歧間。
馬爲賒來貴，
僮因借得
頑。詩書愁觸雨，
店舍喜逢山。
舊業嵩陽下，
三年未得還。

迎春

半年留醉待，
花開曉去迎。
春夜始迴風，
煖慢行尋
曲水。天晴遠望立，
高臺亦知無處將。
詩請唯得終
朝把酒催。今日柳條全弄色，
遊人相伴看春來。

遊春十二首

正月一日後，
尋春更不眠。
自知還近僻，
衆說過於
顛。看水寧依路，
登山欲到天。
悠悠芳思起，
多是晚

風前木末冰初散
 山爐煙火天欲曉
 欲飲春酒
 卑官長少事僻縣
 又無城未曉衝寒起
 迎春忍病
 行樹枝風棹軟
 菜甲土浮輕
 好箇林間鵲
 今朝是
 喜聲
 詩酒相牽引
 朝朝思不窮
 苔痕雪水裏
 春色竹烟
 中迎雨
 緣池草摧花
 倚樹風書非
 名利事愛此
 少
 人同

塵中主印吏誰遣
 有高情趣煖
 簷前坐尋芳
 樹底
 行土融凝
 墅色冰敗滿
 池聲漸覺春
 相泥朝來睡
 不輕
 疎頑無異事
 隨例但添年
 舊曆藏深篋
 新衣薄絮
 綿暖風渾酒
 色晴日暢琴
 絃同伴無辭
 困遊春貴
 在先

看春長不足
 豈更覺身勞
 寺裏花枝淨
 山中水色
 高嫩
 一作
 懶
 雲輕似絮
 新草細如毛
 併起詩人思
 還
 應費筆毫

悠悠小縣吏
 顛顛入新年
 遠思遭詩惱
 閒情被酒
 牽戀花林下
 飲愛草野中
 眠疎懶今成
 性誰人肯

更憐

處處春光遍遊人亦不稀向陽傾冷酒看影試

一作

着新衣嫩樹行移長幽禽語旋飛同來皆去盡衝

夜獨吟一作歸

朝朝看春色春色似相憐酒醒鶯啼裏詩成蝶舞

前摘花盈手露折竹滿庭煙親故多相笑疎狂似

少年

卑官還不惡行止得逍遙晴野花侵路春陂水上

橋塵埃生暖色藥艸長新苗看却煙光散狂風處

處飄

身被春光引經時更不歸嚼花香滿口書竹粉粘

衣弄日鶯狂語迎風蝶倒飛自知疎懶性得事亦

應稀

曉脫青衫出閑行氣味長一瓶春酒色數頃野花

香朝客聞應羨山僧見亦一作狂不將童僕去恐

謂一作損風光

賞春

閒人祇是愛春光迎得春來喜欲狂買酒怕遲令

走馬看花嫌遠自移牀
嬌鶯語足方離樹戲蝶飛
高始過牆顛倒醉眠三數日
人間百事不思量

春日卽事

春來眠不得誰復念生涯
夜聽四鄰樂朝尋九陌
花輕烟浮草色微雨濯年華
乞假非關病朝衣在
酒家

春日江次

野步出茆齋閒行坐石臺
久悲鄉路遠猶喜杏花
開鷗鷺皆飛去帆檣何處來
因凝千里日落日尚

徘徊

揚州春詞三首

廣陵寒食天無露復無煙
煖日凝花柳春風散管
絃園林多是宅車馬少於船
莫喚遊人住遊人困
不眠

滿郭是春光街衢上亦香
竹風輕履舄花露膩衣
裳谷鳥鳴還豔山夫到亦狂
可憐遊賞地煬帝國
傾亡

江北烟光袞淮南勝事多
市廛持燭入鄰里漾船

過有地惟栽竹無家不養鵝春風蕩城郭滿耳是
笙歌

寒食二首

今朝一百五出戶雨初晴舞愛雙飛蝶歌聞百轉
鶯江淡青草岸花滿白雲城爲政多孱懦應無酷
吏名

出城烟火少况復是今朝閒坐將誰語臨觴只自
謔堦前春蘚徧衣上落花飄伎樂州人戲使君心
寂寥

暮春書事

窮巷少芳菲蒼苔一徑微酒醒聞客別年長送春
歸宿願眠雲嶠浮名繫鎖闌未因丞相庇難得脫
一作朝衣

春晚雨中

寂寞春將老門人強自歡迎風鶯語溼帶雨蝶飛
難傍砌木初長眠花景漸闌臨軒平目望情思若
爲寬

送春

昨吟一作迎今復送來晚去逡巡芳盡空繁樹愁多

獨病身靜思傾酒懶閑望上樓頻爲向春風道明年早報春

別春

留春不得被春欺春若無情遣泥誰寂寞自疑生
冷病淒涼還似別親知隨風未辨歸何處澆酒唯
求住少時一去近當三百日從朝至夜是相思

夏夜

閑齋深夜靜獨坐又閑行密樹月籠影疎籬水隔
聲斷爰時叫谷棲鳥每搖檉寂寞求名士誰知此
夕情

秋日有懷

秋來不復眠但覺思悠狀菊色欲經露蟲聲漸替
蟬詩情生酒裏心事在山邊舊里無因到鹵風又
一年

秋夕遣懷

昨宵白露下秋氣滿山城風勁衣巾脆空虛筆墨
輕臨書愛真跡避酒怕狂名祗擬隨麋鹿悠悠過

一生

秋中夜坐

疎散永無事不眠常夜分月中松露滴風引鶴同
聞

同衛尉崔少卿九月六日飲

酒熟菊還芳花漂盞亦香與君先一醉舉世待重
陽風色初晴利蟲聲向晚長此時如不飲心事亦
應傷

九日憶硯

一作山舊居

帝里閒人少誰同把酒杯硯山籬下菊今日幾枝
開曉覺驚眠起秋風引病來長年歸思切更值鴈
聲催

秋晚江次

蕭蕭晚景寒獨立望江壩沙渚幾行鴈風灣一隻
船落霞澄返照孤嶼隔微煙極目思無盡鄉心到
眼前

除夜二首

衰殘歸未遂寂寞此宵情舊國當千里新年隔數

更寒猶近北峭風漸向東生誰見一作想長安陌晨

鐘度火城

慙慙惜此夜此夜住逡巡燭盡年還別雞鳴老更

新儻聲方去疲酒色已迎春明日持盃處誰為最

後人

晦日送窮三首

年年到此日瀝酒拜街中萬戶千門看無人不送

窮

送窮窮不去相泥欲何為今日官家宅淹留又幾

時

古人皆恨別其三此別恨消魂只是空相送年年不出

門

詠雲

靄靄紛紛不可窮戛笙歌處盡隨龍來依銀漢一

千里歸傍巫山十二峰呈瑞每聞開麗色避風仍

見挂喬松憐君翠染雙蟬鬢鏡裏朝朝近玉容

詠雪

愁雲殘獵下陽臺混却乾坤六出開與月交光呈

卷二十二子目首不作
翁注後同

妙少監詩卷六
瑞色共花爭豔傍寒梅飛隨郢客歌聲遠散逐宮
娥舞袖迴其那知音不相見剡溪乘興爲君來

郡中對雪

霏微著草樹漸布與堦平遠近如空色飄颻無落
聲飛鷗疑翅重去馬覺蹄輕遙想故山下樵夫應
滯行

對月

銀輪玉兔向東流瑩淨三更正好遊一片黑雲何
處起皂羅籠却水精毬

八月十五夜看月

亭亭千萬里三五復秋中此夕光應絕常時思不
同九霄微有露四海靜無風惆悵逡巡別誰能看
碧空

賦月華臨靜夜

長空埃壒滅皎皎月華臨色正秋將半光鮮夜自
淡九霄晴更徹四野氣難侵靜照遙山出孤明列
宿沉高人應不寐驚鵲復何心漏盡東方曉佳期
何處尋

酬任疇協律夏中苦雨見寄

銀漢波瀾溢經旬雨未休細聽宜隔牖遠望憶高樓
樓風急飄還斷雲低落更稠走童驚掣電饑鳥啄
浮漚絲網張空際蛛繩續瓦溝青蛙多入戶潢潦
欲勝舟雷怒疑山破池渾似土流灰人漫禳厭水
馬恣沉浮廣陌應翻浪貧居恐作湫陽精藏不耀
陰氣盛難收遠色重林暮繁聲四壁秋望晴思見
日防冷欲披裘枕潤眠還懶車羸出轉憂散空烟
漠漠迸溜竹脩脩樹暗蟬吟咽巢傾燕語愁琴書
涼簟淨燈燭夜窗幽天下那能向龍邊豈易求濕
烟凝竈額荒艸覆牆頭酒思淒方罷詩情耿始抽
下牀先仗屐汲井恐飄甌危坐徒相憶佳期未有
由勞君寄新什終日不能酬

和座主相公雨中作

清氣潤華屋東風吹雨勻花低驚豔重竹淨覺聲
真山際疑如霧雲中散似塵蕭蕭下碧落點點救
生民緩洒雷霆細微沾瓦礫新詩成難繼和造化
筆通神

姚少監詩集卷第六
惡神行雨

面神扇簸惡神行
洄湧挨排白霧生
風擊水門波
撲凸雨淙山口地
嵌坑龍噴黑氣翻
騰滾鬼掣紅
光劃
■損哮吼忽雷聲
揭石滿天啾唧鬧
轟轟

姚少監詩集卷第六

終

姚少監詩集卷第七

題詠四十九首

題鳳翔西郭新亭

鹵郭塵埃外
新亭制度奇
地形當要處
人力是閑
時結構方殊
絕高低更合
宜棟梁清俸
買松竹遠

山移佛

一作僧

寺幽難敵仙家景

一作境

可追

一作遺

良

功慙巧盡上客恨
逢遲兩面寒

一作清

波漲當前軟

一作嫩

柳垂清虛宜月入
涼冷勝風吹
宴賞軍容靜

登臨樂妓隨魚龍
聽絃管鳧鶻識
旌旗泛鷁春流

澗飛觴白日欹閑花一作雲長在戶嫩蘚乍緣墀永

望情無極頻來困不辭雲峰晴轉出一作翠煙樹曉

逾滋向野惟貪靜臨空遽覺危行人如不到遊樂

更何為一作遊樂 信虛為

題金州西園九首

江榭

亭亭白雲榭下有清江流見江不得親不如波上
鷗有榭江可見無榭無雙眸

藥堂

僮僕不到闔雙扉常自關四壁畫遠水堂前聳秋
山時聞有仙鼠竊藥簷隙間

草閣

編草覆柏椽軒扉皆竹織閣成似僧居學僧居未
得有時公府勞還復來此息

松壇

盤盤松上蓋下覆青石壇月中零露垂日出露尚
溥山翁稱絕境海橋無所觀

蔓徑

藥院徑亦高往來踏藜影方當繁暑日草屨微微
冷愛此不能行折薪坐煎茗

種竹愛庭際亦以資玩賞窮秋雨蕭條但見牆垣
長宣尼高數仞固應非土壤

石庭

布石滿山庭磷磷潔還清幽人常履此月下展齒
鳴藥艸枝葉動似向山中生

莓苔

茅堂堦豈高數寸是苔蘚只恐秋雨中窗戶亦不
濺眼前無此物我情何由遣

芭蕉屏

芭蕉叢叢生月照參差影數葉大如牆作我門之
屏稍稍聞見稀耳目得安靜

杏溪十首

杏溪

桃花四散飛桃子壓枝垂寂寂青陰裏幽人舉步
遲慙慙念此徑我去復來誰

蓮塘
方塘菡萏高繁豔相照耀幽人夜眠起忽疑野中
燒曉尋不知休白石岸亦峭

架水藤

濛濛紫花藤下復清溪水若遣隨波流不如風飄
起風飄或近堤隨波千萬里

石潭

曉向潭上行夕就潭邊宿清冷無波瀾澈澈魚相
逐釣翁坐不起見我往來熟

溪路

此路何瀟洒永無公卿跡日日多往來藜杖與桑
屐路邊何所有磊磊青淥石

望江峰

念昔有此峰在彼江陵先舉世未能知遇亦望同
賢我來心益悶欲上天公牋

杏水

不與江水接自出林中央穿花復遠水一山聞杏
香我來持茗甌日屢此來嘗

葉葉新春筠下復清淺流微風屢此來泱泱復脩
脩詩人月下吟月墮吟不休

楓林堰

森森楓樹林護此石門堰杏隄數里餘楓影覆亦
徧鷓鴣與釣童質異同所願

石瀨

散漫復潺湲半砂半和石清風波亦無歷歷魚可
擲我來亦屢久歸路常日夕

陝下厲玄侍御宅五題

濯纓溪

舊山寧要去此有濯纓泉曉景松枝覆秋光月色
連行尋屐齒盡坐對角巾偏寂寂幽棲處無妨請
俸錢

垂釣亭

由釣起茅亭柴扉復竹楹波清見絲影坐久識魚
情白鳥依窗宿青蒲傍砌生欲同漁父舍須自減
逢迎

吟詩島

幽島蘚層層詩人日日登坐危石是榻吟冷唾成
冰靜對唯秋水同來只一作老僧竹枝題字
處小篆復誰能

竹裏徑

微徑嬋娟裏唯聞靜者知跡深苔長處步狹笋生
時高是連幽樹窮應到曲池紗巾靈壽杖行樂復
相宜

泛觴泉

不上酒家樓池邊日獻酬杯來轉巴字客坐遶方
流酌滴苔紋斷泉連石岸秋若能山下置歲晚願
同遊

題僧院引泉

泉眼高千尺山僧取得歸架空橫竹引鑿石透渠
飛洗藥溪流濁澆花雨力微朝昏長遶看護惜似
持衣

題家園新池

數日自穿池引泉來近陂尋渠通咽處遶岸待清

時淡好求魚養閒堪與鶴期幽聲聽難盡入夜睡
常遲

詠盆池

浮萍重疊水團圓客遶千遭展齒痕莫驚池裏尋
常滿一井清泉是上源

買太湖石

我嘗遊太湖愛石青嵯峨波瀾取不得自後長咨
嗟奇哉賣石翁不傍豪貴家負石聽苦吟雖貧亦
來過貴我辨識精取價復不多比之昔所見珍怪
頗更加背面淙注痕孔隙若琢磨水稱至柔物湖
乃生壯波或云此天生嵌空亦非他氣質偶不合
如地生江河置之書房前曉霧常紛羅碧光入四
鄰牆壁難蔽遮客來謂我宅忽若巖之阿

天竺寺殿前立石

補天殘片女媧拋撲落禪門壓地切霹靂劃溪龍
舊攬屈槃痕淺虎新抓苔粘月眼風挑剔塵結雲
頭雨磕敲秋至莫言長矻立春來自有薜蘿交

杭州觀潮

樓有章亭號濤來自古今勢連滄海濶色比白雲
淡怒雪驅寒氣狂雷散大音浪高風更起波急石
難沉鳥懼多遙過龍驚不敢吟劫如開玉穴危似
走瓊岑但褫千人魄那知伍相心岸摧連古道洲
漲踏叢林跳沫山皆濕當江日半陰天狀與禹鑿
此理遣誰尋

題李頻新居

賃居求賤處深僻任人嫌蓋地花如綉當門竹勝
簾勸僧嘗藥酒教僕辨一作書簽庭際山宜小休

令着石添

寄題縱上人院

營營是與非前樂後還悲今世已如此他生願似
師禪房空且暮畫壁半陳隋一作徑逶迤一作竹蒼苔跡幽
人來是誰

題山寺

千重山崦裏樓閣影參差未暇尋僧院先看置寺
碑竹溪行漸暗石穩坐多時古塔蟲蛇善陰廊鳥
雀癡雲開上界近泉落下方遲為愛青桐葉因題

滿樹詩

題貞女祠

此女骨為土貞名不可移精靈閱何處蘋藻奠空
祠水石生異狀杉松無病枝我來方謝雨延滯失
歸期

題刑部馬員外修行里南街新居

帝里誰無宅青山祇屬君閑窻連竹色幽砌上苔
文遠近高低樹東西南北雲朝朝常獨見免被四
鄰分

題郭侍郎親仁里幽居

入門塵外思苔徑藥苗間洞裏應生玉庭前自有
山帝城唯此靜朝客更誰閑野鶴松中語時時去
復還

題宣義池亭

春入池亭好風光煖更鮮尋芳行不困逐勝坐還
遷細草亂如髮幽禽鳴似絃苔文翻古篆

一作石

色學秋天花落能漂酒萍開解避船暫來還差

一作

猶愈

疾久住合成仙迸笋搯堦起垂藤壓樹偏此生

應借看自計一作謂買無錢

題薛十二池亭

每日樹邊消一日
遶池行過又須行
異花多是非時有
好竹皆當要處生
斜立小橋看鳥勢
遠移幽石作泉聲
浮萍著岸風吹歇
水面無塵晚更清

題大理崔少卿駙馬林亭

每來歸意懶都尉
似山人臺榭一作停栖

雙鷺松篁

隔四鄰迸泉清
勝雨澗洞暖如春
更看題詩處
前軒粉壁新

題杭州南亭

舊隱卽雲林
思歸日日深
如今來此地
無復有前心
古石生靈艸
長松栖異禽
暮潮簷下過
濺浪濕衣襟

題鄭一作崔駙馬林亭

東園連宅起勝事
與心期幽洞自生藥
新篁迸入池
密林行不盡
芳草坐難移
石翠疑無質
鶯歌似有詞
莎臺高出樹
蘚壁淨題詩
我獨多來賞
九衢人不知

題厲玄侍御所居

幽棲一畝宮清峭似山峰鄰里不通徑俸錢唯買
松野人時寄宿谷鳥自相逢朝路牀前是誰知曉
起慵

題田將軍宅

焚香書院最風流莎艸緣牆綠蘚秋近砌別穿澆
藥井臨街新起看山樓棲禽戀竹明猶在閑客觀
花夜未休好是暗移城裏宅清涼渾得似江頭

題崔駙馬宅

心在林泉身在城鳳凰樓下得閒名洞中見鑿尋
仙路月裏猶燒煮藥鎗數樹異花皆敕賜並竿脩
竹自天生詩人多說離君宅不得青苔地上行

題河上亭

亭亭河上亭魚躑水禽鳴九曲何時盡千峰今日
清晨光秋更遠暑氣夏常輕盃裏移檣影琴中有
浪聲岸莎連砌靜渙火入窻明來此多沉醉神高
無宿醒

題長安薛員外水閣

亭亭新閣成風景益鮮明石盡太湖色水多湘渚
聲翠筠和粉長零露逐荷傾時倚高窻望幽尋小
徑行林疎看鳥語池近識魚情政暇招閑客唯將
酒送迎

題梁國公主池亭

平陽池館枕秦川門鎖南山一帶煙素柰花開西
子面綠榆枝種沈郎錢裝簾玳瑁隨風落庭岸鵝
鶻趁煖眠寂寞空餘歌舞地玉簫驚起鳳歸天

寄題尉遲少卿郊居

卿仕在關東林居思不窮朝衣掛壁上廐馬放田
中隅坐唯禪子隨行只藥童砌莎留宿露庭竹出
清風濃翠生苔點辛香發桂叢蓮池伊水入石徑
遠山通愚者心還靜高人跡自同無能相近住終
日羨鄰翁

日美殊餘
泰山無
青風
中則坐
姚少監詩集卷第七

姚少監詩集卷第七
終
過張邯鄲莊

姚少監詩集卷第八

遊覽宴集五十首

過張邯鄲莊

客行長似病煩熱
四肢到君讀書堂
忽若逢良醫堂前
水交流堂下樹交
枝兩門延風涼洗
我昏濁肌與子還
往熟坐臥恣所宜
時時相獻酬文字
當酒卮野飯具藜
藿永日亦不饑苟
食非其所鱸炙為
羨藜時清士人間
耕作唯文詞豈獨
鄉里薦當取四海
知

過楊處士幽居

引水穿風竹幽聲勝遠溪裁衣延野客剪翅養山
雞酒熟聽琴酌詩成削樹題惟愁春氣暖松下雪
和泥

過李處士山居

閒居晝掩扉門柳蔭蔬畦因病方收藥尋僧始度
溪少逢人到戶時有燕銜泥蕭洒身無事名高孰
與齊

過無可僧院

憶師眠復起永夜思迢迢月下門方掩林中寺更
遙鐘聲空下界池色在清霄終擬修禪觀窻間卷
欲燒

過稠上人院

清羸一飯師閑院亦披衣應詔常翻譯修心出是
非雪中疎磬度林際晚風歸蔬食常來此人間護
淨稀

過不疑上人院

九經通大義一作通經又議經內典自應精簾冷連松影

苔淡滅履聲相逢幸此日相失一作識恐來生覺路

何門去師須引我行

過雲花寶上人院

九陌最幽寺吾師院復深煙霜同覆屋松竹雜成林鳥語境彌寂客來機自沉早知如到此應不帶

朝簪

過杜氏江亭

上國千餘里逢春且勝遊暫聞新鳥戲似解旅人愁野色吞山盡江烟襯水流村醪須一醉無恨滯

行舟

過張雲舉院宿

不喫胡麻飯杯中自得仙隔籬招好客掃室致芳筵家醞香醪嫩時新異果鮮夜深唯畏曉坐穩豈思眠棊罷嫌無敵詩成貴在前明朝題壁上誰得

衆人傳

過欽上人院

有相無相身唯師說始真脩篁半庭影清磬幾僧鄰古壁丹青落虛簷鳥雀馴伊余求了義羸馬往

來頻

過無可上人院

寥寥聽不盡孤磬與疎鐘煩惱師長別清涼我暫
逢蟻行經古蘚鶴毳落淡松自想歸時路塵埃復
幾重

過城南僧院

寺對遠山起幽居仍是師斜陽通暗隙殘雪落疎
籬松靜鶴栖定廊虛鐘盡遲朝朝趨府吏來此是
相宜

過靈泉寺

偶尋靈跡去幽徑入氤氛轉壑驚飛鳥穿山踏亂
雲水從巖下落溪向寺前分釋子遊何處空堂日
漸曛

過天津橋晴望

閑立津橋上寒光動遠林皇宮對嵩頂清洛貫城
心雪路初晴出人家向晚深自從王在鎬天寶至
如今

春日遊慈恩寺

年長歸何處青山未有家賞春無酒飲多看寺中
花

遊天台上方

曉上上方高處立路人羨我此時身白雲向我頭
上過我更羨他雲路人

遊終南山

策杖度溪橋雲深步數勞青猿吟嶺際白鶴坐松
梢天外浮烟遠山根野水交自緣名利繫好此結
蓬茆

遊杏溪蘭若

踏得度溪灣晨遊暮不還月明松影路春滿杏花
山戲狖跳林末高僧住石間未肯離腰組來此復
何顏

遊謝公亭

行行方避夢又到謝亭來舉世皆如此伊余何處
迴竹鮮多透石泉潔亦無苔坐與僧同語誰能顧
酒杯

遊陽河岸

終日遊山困今朝始傍河尋芳愁路盡逢景畏人
多鳥語催沽酒魚來已聽歌醉時眠石上肢體自
婆娑

遊河橋曉望

閑上津橋立天涯一望間秋風波上岸旭日氣連
山偶聖今方變朝宗豈復還崑崙在蕃界作將亦

何顏

上一作出
界一作激

秋夜月中登天壇

秋蟬流異彩齋潔上壇行天邇星辰大山深世界

清仙飈石上起海日夜中明何計長來此閑眠過
一生

遊昊天玄都觀

性同相見易紫府共閑行陰徑紅桃落秋壇白石
生蘚文連竹色鶴語應松聲風定藥香細樹深泉
氣清垂簷靈草影遶壁古山名圍外坊無禁歸時
踏月明

同裴起居厲侍御放朝遊曲江

暑月放朝頻青槐路絕塵雨晴江色出風動

一作
度

草香新獨立分幽島同行得靜人此歡宜稍滯此
去與誰親

曉望華清宮

曉看樓殿更鮮明遙隔朱欄見鹿行武帝自知身
不死教修玉殿號長生

夏日登樓晚望

避暑高樓上平蕪望不窮鳥穿山色去人歇樹陰
中數帶長河水千條弱柳風暗思多少事懶話與
芝翁

霽後登樓

高樓初霽後遠望思無窮雨洗青山淨春蒸大野
融碧池舒煖景弱柳暉和風爲有登臨興獨吟落
照中

早夏郡樓宴集

官散有閑情登樓步稍輕窗雲帶雨氣林鳥雜人
聲曉日襟前度微風酒上生城中會難得掃壁各
書名

夜宴太僕田卿宅

故人九寺長邀我此同歡永夜開筵靜中年飲酒
難微風侵燭影疊漏過林端臘後分朝日天明幾
刻殘

春日同會衛尉崔少卿宅

詩家會詩客池閣曉初晴鳥盡山中語琴多譜外
聲映花相勸酒入洞各題名疎野常如此誰人信
在城

軍城夜會

軍城夜禁樂飲酒每題詩坐穩吟難盡寒多醉較

遲遠鐘經

一作驚

漏壓微月被燈欺此會誠堪惜天

明是別離

晦日宴劉值錄事宅

花落鶯飛淡院靜滿堂賓客盡詩人城中盃酒家
家有唯是君家酒送春

宴光祿田卿宅

行裏開華館珍羞次第嘗春風酒影動晴日樂聲
長久坐難辭醉衰年亦暫狂慙慙還繼燭永夕夢
相妨

會將作崔監東園

牆北走紅塵牆東接

一作飛

白雲山光衣上見藥氣

酒中聞此會誠堪惜窮秋日又曛人間唯有醉醉

後復何云

同諸公會太府韓卿宅

九寺名卿才思雄邀歡筆下與盃中六街鼓絕塵

埃息四座筵開語笑同燄燄蘭缸明狹室丁丁玉

漏發深宮即聽鳴唱天門曉吏事相牽西復東

乞酒

聞君有美酒與我正相宜溢瓮清如水粘盃半似
脂豈唯消舊病且要引新詩况此便便腹無非是
滿卮

寄衛拾遺乞酒

老人罷卮酒不醉已經年自飲君家酒一盃三日
眠味輕花上露色似洞中泉莫厭時時寄須知法
未傳

乞新茶

嫩綠微黃碧澗春採時聞道斷葷辛不將錢買將

詩乞借問山翁有幾人

西掖寓直春曉聞殘漏

直廬仙掖近春氣曙猶寒隱隱銀河在
丁丁玉漏殘微風飄更切萬籟雜應難
鳳閣明初啓雞人唱漸闌靜宜來禁裏清
是下雲端我識朝天路從容自整冠

杭州郡齋南亭

符印懸腰下東山不得歸獨行南北近
漸老往還稀迸笋侵窗長驚蟬出樹飛
田田池上葉嘗是使

君衣

郡中西園

西園春欲盡芳草徑難分靜語唯幽鳥
閑眠獨使君密林生雨氣古石帶潮文
雖去清秋遠朝朝見白雲

杭州官舍偶書

錢塘刺史謾題詩貧褊無恩懦少威
春盡酒盃花影在潮迴畫檻水聲微
閑吟山際邀僧上暮入林中看鶴歸
無術理人人自理朝朝漸覺簿書稀

省直書事

默默滄江老官分右掖榮立朝班近殿奏直上知
名曉霧和香氣晴樓下樂聲蜀牋金屑膩月兔筆
毫精禁樹非煙覆宮牆瑞艸生露盤秋更出玉漏
晝還清碧蘚無塵染寒蟬似鳥鳴竹深雲自宿天
近日先明孱懦難封詔疎愚但擲觥素餐終日足
寧免衆人輕

杭州官舍即事

臨江府署清閑坐一作臥復閑行苔蘚疎塵色梧桐

出雨聲漸除一作知身外事暗作道家名更喜仙山

近庭前藥自生

假日書事呈院中司徒

十日公府靜巾櫛起清晨寒蟬近衰柳古木似高
人學佛寧憂老爲儒自喜貧海山歸未得芝朮夢
中春

書縣丞舊廳

宮殿一作樓閣半山上人家向下居古廳眠易魘老史

語多虛雨水澆荒竹溪沙擁廢渠聖朝收外府皆

是九天除水我流竹苑心林爽果聖博外快秋骨

縣中秋宿人來向不風古飄那長烈法史

鼓絕門方掩蕭條作吏心露垂庭際艸螢照竹閒

禽。碁罷嫌無月眠遲聽盡碁還知未離此時復更

相尋將寧憂步為淵自喜貧城山翻未野芝承夢

十日公夏夜宿江驛前景爽嶽山家竹古木以高

竹屋臨江岸清宵興自長夜深傾北斗葉落映橫

塘渚鬧漁歌響風和角糴香却愁南去棹早晚到

瀟湘

陝城卽事

左右分京闕黃河與宅連何功來此地竊位已經

年天下才彌小關中鎮最先隴山望可見惆悵是

窮邊

東野

平天可木

五木令京

姚少監詩集卷第八

終



